

# სახელმწიფო შესყიდვის შესახებ ხელშეკრულება №0606/01

(CPV 30199730 - გამარტივებული შესყიდვა რაციონალური ხარჯი)

ქ. თბილისი

06 ივნისი 2019 წელი

ერთი მხრივ, სსიპ „საქართველოს კომუნიკაციების ეროვნული კომისია“ (შემდგომში შემსყიდველი), წარმოდგენილი კომისიის თავმჯდომარე კახი ბექაურის სახით და მეორე მხრივ, შპს „ნიუ კარტი“ (შემდგომში მიმწოდებელი), წარმოდგენილი მისი დირექტორის კახა შანიძის სახით, ვდებთ წინამდებარე სახელმწიფო შესყიდვის შესახებ ხელშეკრულებას შემდეგზე:

## 1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში ხელშეკრულება) - „სახელმწიფო შესყიდვების შესახებ“ საქართველოს კანონის საფუძველზე, შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით, დამატებით და ასევე ყველა დოკუმენტაციით, რომლებზეც ხელშეკრულებაში არის მინიშნებული.
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ - კალენდარული დღე, კვირა, თვე.
- 1.4. „შემსყიდველი“ - ორგანიზაცია, რომელიც ახორციელებს საქონლის შესყიდვას სახელმწიფო შესყიდვის შესახებ ხელშეკრულების შესაბამისად.
- 1.5. „მიმწოდებელი“ - იურიდიული პირი, რომელიც შემსყიდველს აწვდის საქონელს სახელმწიფო შესყიდვის შესახებ ხელშეკრულების შესაბამისად.
- 1.6. „მიღება-ჩაბარების აქტი“ - წერილობითი დოკუმენტი, რომელიც ფორმდება საქონლის მიღების შემდეგ.

## 2. ხელშეკრულების საგანი

მიმწოდებელი შემსყიდველს მიაწვდის სავიზიტო ბარათებს (შემდგომში საქონელი), დანართი N1-ის შესაბამისად, ხოლო შემსყიდველი მიმწოდებელს გადაუხდის მიღებული საქონლის საფასურს.

## 3. ხელშეკრულების ღირებულება

ხელშეკრულების ჯამური ღირებულება შეადგენს 26 (ოცდაექვსი) ლარს საქართველოს კანონმდებლობით გათვალისწინებული გადასახადის ჩათვლით.

## 4. საქონლის დასახელება, რაოდენობა და ღირებულება

- 4.1. საქონელი - სავიზიტო ბარათები, 200 ცალი, ორმხრივი (ინგლისურენოვანი და ქართულენოვანი) სავიზიტო ბარათის ერთეულის ღირებულება შეადგენს 0.13 ლარს საქართველოს კანონმდებლობით გათვალისწინებული გადასახადების ჩათვლით.
- 4.2. საქონლის ჯამური ღირებულება შეადგენს 26 (ოცდაექვსი) ლარს საქართველოს კანონმდებლობით გათვალისწინებული გადასახადების ჩათვლით.

## 5. ანგარიშსწორების ფორმა და ვადები

- 5.1. შემსყიდველი მიმწოდებელთან ანგარიშსწორებას ახორციელებს მიმწოდებლის მიერ მითითებულ საბანკო ანგარიშზე თანხის გადარიცხვით ეროვნულ ვალუტაში - ლარში.

5.2. მიმწოდებელთან ანგარიშსწორება იწარმოებს საქონლის მიღების თაობაზე მიღება - ჩაბარების აქტის შემსყიდველის მხრიდან ხელმოწერიდან და შესაბამისი ანგარიშგაქტურის წარდგენიდან 7 (შვიდი) სამუშაო დღის ვადაში.

## 6. საქონლის მიწოდების ვადები და პირობები

6.1. საქონელი მიღებულად ჩაითვლება შემსყიდველსა და მიმწოდებელს შორის მიღება-ჩაბარების აქტის გაფორმების შემდეგ.

6.2. მიმწოდებელი უზრუნველყოფს შემსყიდველისათვის საქონლის მიწოდებას (შემსყიდველის მისამართზე) 2019 წლის 07 ივნისის ჩათვლით.

## 7. სტანდარტები და გარანტია

7.1. მიმწოდებელი ვალდებულია უზრუნველყოს ხარისხიანი და სტანდარტების შესაბამისი საქონლის მიწოდება.

7.2. სავიზიტო ბარათების ბეჭდვა უნდა მოხდეს ხარისხიანად. ნაბეჭდი ტექსტის/რეკვიზიტების, ლოგოს ფერი არ უნდა გადადიოდეს და არ უნდა ალაქავებდეს სავიზიტო ბარათს.

7.3. მიმწოდებელი ვალდებულია საკუთარი ხარჯებით უზრუნველყოს კონტროლის შედეგად გამოვლენილი საქონლის დეფექტის ან ნაკლის აღმოფხვრა.

7.4. მიმწოდებლის მიერ ამ ვალდებულების შეუსრულებლობის შემთხვევაში, შემსყიდველს უფლება აქვს თვითონ მიიღოს ზომები დეფექტის ან ნაკლის გამოსწორებისათვის და მიმწოდებელს მოსთხოვოს შესაბამისი ხარჯების ანაზღაურება ან გამოქვითოს ეს თანხა მიმწოდებლისათვის გადასახდელი თანხიდან.

## 8. მხარეთა უფლება-ვალდებულებები

8.1. შემსყიდველი უფლებამოსილია:

8.1.1. განახორციელოს მიმწოდებლის მიერ ნაკისრი ვალდებულებების შესრულებისა და ხარისხის კონტროლი;

8.1.2. საქონლის მიწოდების დასრულებამდე გამოითხოვოს მიმწოდებლისაგან მისთვის საჭირო დოკუმენტი.

8.2. შემსყიდველი ვალდებულია:

8.2.1. უზრუნველყოს მიმწოდებლისათვის მიღებული საქონლის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით;

8.2.2. უზრუნველყოს წარმომადგენლის გამოყოფა, რომელიც ზედამხედველობას გაუწევს პროცესს და საჭიროების შემთხვევაში, მიმწოდებელს გაუწევს შესაბამის კონსულტაციას.

8.3. მიმწოდებელი უფლებამოსილია მოსთხოვოს შემსყიდველს საქონლის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

8.4. მიმწოდებელი ვალდებულია მიაწოდოს სათანადო ხარისხის საქონელი სრული მოცულობით.

## 9. ხელშეკრულებით ნაკისრი ვალდებულებების შესრულების კონტროლი

9.1. შემსყიდველს ან მის წარმომადგენელს უფლება აქვს განახორციელოს კონტროლი მიმწოდებლის მიერ ნაკისრი ვალდებულებების შესრულებაზე ან/და შეამოწმოს საქონლის შესაბამისობა ხელშეკრულებით გათვალისწინებულ მოთხოვნებთან.

9.2. ხელშეკრულებით ნაკისრი ვალდებულებების შესრულებაზე კონტროლისა და შემოწმების განხორციელების უფლება ენიჭება შემსყიდველის ადმინისტრაციაში დასაქმებულ სალომე მმანაშვილს, რომელიც არ იმყოფება მიმწოდებელთან ინტერესთა კონფლიქტში.

9.3. ხელშეკრულებით ნაკისრი ვალდებულებების შესრულების თაობაზე, შემსყიდველის მხრიდან შესაბამისი მიღება - ჩაბარების აქტის ხელმოწერაზე უფლებამოსილება ენიჭება შემსყიდველის ადმინისტრაციაში დასაქმებულ სალომე მმანაშვილს, რომელიც არ იმყოფება მიმწოდებელთან ინტერესთა კონფლიქტში.

## 10. პირგასამტეხლო ხელშეკრულების პირობების შეუსრულებლობისათვის

10.1. ხელშეკრულებით ნაკისრი ვალდებულების შესრულების ვადის გადაცილების შემთხვევაში, მხარეებს დაეკისრებათ პირგასამტეხლო ყოველ ვადაგადაცილებულ დღეზე ხელშეკრულების ღირებულების 0,1%-ის ოდენობით.

10.2. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 1 (ერთი) პროცენტს, მხარე იტოვებს უფლებას შეწყვიტოს ხელშეკრულება და მოსთხოვოს მეორე მხარეს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

10.3. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

## 11. ხელშეკრულებაში ცვლილების შეტანა და ხელშეკრულების შეწყვეტა

11.1. ხელშეკრულებაში ნებისმიერი ცვლილების ან/და დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

11.2. ხელშეკრულება შეიძლება შეწყდეს ვადაზე ადრე მხარეთა შეთანხმებით ან კანონმდებლობით გათვალისწინებულ შემთხვევებში.

11.3. ხელშეკრულების ერთ-ერთი მხარის მიერ, ხელშეკრულების პირობების შეუსრულებლობის შემთხვევაში, მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ, აღნიშნულის თაობაზე მეორე მხარისათვის წერილობითი შეტყობინების შემდეგ.

11.4. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულების შესრულებისაგან.

11.5. შემსყიდველს, შეუძლია მიიღოს გადაწყვეტილება ხელშეკრულების შეწყვეტის შესახებ, ასევე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მიმწოდებლის გაკოტრების ან/და ლიკვიდაციის შემთხვევაში;

გ) თუ მისთვის ცნობილი გახდა, რომ მიმწოდებლის მიერ წარმოდგენილი დოკუმენტაცია ყალბია;

დ) საქართველოს კანონმდებლობით გათვალისწინებულ სხვა შემთხვევაში.

11.6. ამ მუხლის 11.5. პუნქტის ა) ქვეპუნქტში მითითებულ შემთხვევაში შემსყიდველი ვალდებულია აუნაზღაუროს მიმწოდებელს ფაქტობრივად მიწოდებული საქონლის ღირებულება.

## 12. გამოყენებული სამართალი და ხელშეკრულების ენა

12.1. ხელშეკრულება გაფორმებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

12.2. ხელშეკრულება დაიწერა ქართულ ენაზე, ორ ეგზემპლარად და ორივე ეგზემპლარს აქვს თანაბარი იურიდიული ძალა.

## 13. გადასახადები და დაბეგრვა

მიმწოდებელი პასუხს აგებს საქართველოს კანონმდებლობით დადგენილი გადასახადის, მოსაკრებლის და სხვა გადასახდელის გადახდაზე.

## 14. დაუძლეველი ძალა

14.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით.

14.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის შესახებ.

14.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

15. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, მხარეები უფლებამოსილნი არიან დავის გადასაწყვეტად მიმართონ საქართველოს შესაბამის სასამართლოს საქართველოს კანონმდებლობის შესაბამისად.

16. ინტერესთა კონფლიქტის თავიდან აცილება

შემსყიდველის მხრიდან ხელშეკრულებაზე ხელის მომწერი პირი, ხელშეკრულების ვიზირებაზე ხელისმომწერი პირები და მიმწოდებლის მიერ, ხელშეკრულებით ნაკისრი ვალდებულების შესრულებაზე მაკონტროლებელი პირები ვადასტურებთ, რომ არ ვიმყოფებით ინტერესთა კონფლიქტში ხელშეკრულებაში მითითებულ მიმწოდებელთან „სახელმწიფო შესყიდვების შესახებ“ საქართველოს კანონის მე-8 მუხლის შესაბამისად.

17. ხელშეკრულების მოქმედების ვადა

ხელშეკრულება ძალაში შედის ხელმოწერის დღიდან და მოქმედებს 2019 წლის 02 აგვისტოს ჩათვლით.

შემსყიდველი:

მიმწოდებელი:

სსიპ „საქართველოს კომუნიკაციების ეროვნული კომისია“ მისამართი: ქ. თბილისი, ქეთევან წამებულის გამზირი/ბოჭორმის ქ. №50/18 საიდ. კოდი: 204953050 სს „თი ბი სი ბანკი“ ა/ა: GE11TB0600000000609326	შპს „ნიუ-კარტი“ მისამართი: ქ. თბილისი, ვაჟა ფშაველას გამზ. N43 საიდ. კოდი: 205293323 სს „თი ბი სი ბანკი“ ა/ა: GE82TB7600336020100002
--	--

კომისიის თავმჯდომარე  
  
ვახა ბექაური  


დირექტორი  
  
კახა შანიძე  


დანართი N1

შესყიდვის ობიექტი	რაოდენობა (ცალი)	შესყიდვის ობიექტის მახასიათებლები	ერთეულის ღირებულება (ლარებში)	ჯამური ღირებულება (ლარებში)
სავიზიტო ბარათი	200	ტილოს ფაქტურირანი ქაღალდი ორმხრივი (5X9) 300 გრ. თეთრი ფერის, ფერადი ციფრული ბეჭდვა, კომისიის ლოგოთი და წარწერით ბრენდირებული	0.13	26
				ჯამი: 26 ლარი დღგ-ს ჩათვლით

შემსყიდველი:

სსიპ „საქართველოს კომუნიკაციების  
ეროვნული კომისია“  
მისამართი: ქ. თბილისი, ქეთევან წამებულის  
გამზირი/ბოჭორმის ქ. №50/18  
საიდ. კოდი: 204953050  
სს „თი ბი სი ბანკი“  
ბანკის კოდი: 220101830  
ა/ა: GE11TB0600000000609326

მიმწოდებელი:

შპს „ნიუ-კარტი“  
მისამართი: ქ. თბილისი, ვაჟა ფშაველას გამზ. N43  
საიდ. კოდი: 205293323  
სს „თი ბი სი ბანკი“  
ა/ა: GE82TB7600336020100002

კომისიის თავმჯდომარე



ვახი ბეჭაური

დირექტორი



ვახა შანიძე

## მიღება - ჩაბარების აქტი

სსიპ „საქართველოს კომუნიკაციების ეროვნულ კომისიას“ (შემდგომში „კომისია“) და შპს „ნიუ კარტს“ შორის, 2019 წლის 06 ივნისს გაფორმებული N0606/01 ხელშეკრულების შესაბამისად, ერთი მხრივ, კომისიის წარმომადგენელმა სალომე ძმანაშვილმა ჩაიბარა, ხოლო მეორე მხრივ, შპს „ნიუ კარტის“ წარმომადგენელმა კახა შანიძემ ჩააბარა ხელშეკრულებით გათვალისწინებული საქონელი, ღირებულებით 26 ლარი, ხელშეკრულების 6.2 მუხლით დადგენილ ვადაში.

შესყიდვის ობიექტი	რაოდენობა (ცალი)	შესყიდვის ობიექტის მახასიათებლები	ერთეულის ღირებულება (ლარებში)	ჯამური ღირებულება (ლარებში)
სავიზიტო ბარათი	200	ტილოს ფაქტურიანი ქაღალდი ორმხრივი (5X9) 300 გრ. თეთრი ფერის, ფერადი ციფრული ბეჭდვა, კომისიის ლოგოთი და წარწერით ბრენდირებული	0.13	26
				ჯამი: 26 ლარი დღგ-ს ჩათვლით

ჩააბარა

შპს „ნიუ კარტის“ მხრიდან



ჩაიბარა

კომისიის მხრიდან

